

Eksamensinstruks for munnleg og munnleg-praktisk privatisteksamen

Den generelle delen gjeld alle munnlege og munnleg/praktiske eksamenar. I avsnitta *Særskilt om fag med munnleg eksamen* og *Særskilt om fag med munnleg/praktisk eksamen* er det presisert utdjuingar for nokre fag.

Generell del

Tid og stad

Oppmøtetid og -stad for eksamen blir publisert på sida di på www.privatistweb.no.

Legitimasjon

Du må ha med deg gyldig legitimasjon med bilde og fødselsdato. Eksempel på gyldig legitimasjon er pass, førarkort eller bankkort.

Oppgåve

Du trekkjer ei problemstilling eller eit emne som dekkjer fleire kompetansemål, slik at du får høve til å førebu deg på å vise kompetansen din i faget. Dette inneber at problemstillinga eller emnet skal vere tilstrekkeleg omfattande til at det vil vere naturleg å trekkje inn fleire delar av læreplanen under sjølve eksamineringa.

Det skal vere eit reelt trekk av oppgåver. Alle kandidatar skal kunne trekkje blant minst tre alternative oppgåver.

Førebuing

På munnleg eksamen er førebuingstida normalt inntil 30 minutt, på munnleg-praktisk normalt inntil 45 minutt. Alle hjelpemiddel, også slike som tillèt kommunikasjon, er tillatne i førebuingstida.

Førebuinga skjer på eit eige rom (saman med andre kandidatar). Du kan ikkje forlate rommet i førebuingstida. Det skal vere stille på førebuingstida og kandidatane skal ikkje snakke med eller forstyrre kvarandre. Du har sjølv ansvar for å ta med deg nødvendige hjelpemiddel og for at utstyret fungerer.

Eksamen

Munnleg varer inntil 30 minutt, munnleg-praktisk eksamen varer inntil 45 minutt. Eksamen tek til med ein presentasjon av resultatet frå førebuingstida.

Presentasjonen skal ikkje utgjere meir enn ein tredjedel av eksamenstida. Presentasjonen som du har førebudd skal vere utgangspunkt for vidare eksaminasjon slik at du får høve til å vise kompetansen din i faget. Alle kompetansemåla i læreplanen kan trekkjast inn under eksamen.

Det er den munnlege presentasjonen på eksamen som er vurderingsgrunnlaget, ikkje arbeidet du har gjort i førebuingstida.

Hjelpemiddel under eksamen

Du kan bruke notat frå førebuingstida. I denne samanhengen inkluderer notat hjelpemiddel som er relevante for å gjennomføre presentasjonen som du har førebudd. Dette kan til dømes vere digitale verktøy som PowerPoint.

Avslutning av eksamen

Sensor og eksaminator skal vurdere kvar kandidat individuelt og setje karakter etter kvar kandidat. Du får vite karakteren med ein gong og skal signere på at du har motteke karakteren. Dersom du ønskjer det, kan du be om munnleg grunngjeving for karakteren.

Særskilt om fag med munnleg eksamen

Engelsk og Framandspråk I, II og III.

Du trekkjer ein tekst som er knytt til ei problemstilling eller eit emne som dekkjer fleire kompetansemål.

Eksamen skal gi deg høve til å vise kompetanse i lytteforståing, munnleg produksjon, samhandling, og samfunns- og kulturrelevant kunnskap frå målspråkområdet.

Særskilt om fag med munnleg-praktisk eksamen

Kjemi, fysikk, biologi og naturfag

Du skal utføre forsøk ([her finn du liste over aktuelle øvingar](#)). I biologi 2 skal du utføre eller beskrive forsøk.

I kjemi 2 og fysikk 2 kan eksaminator velje å la heile eksamenspartiet gjennomføre den praktiske delen samla før den individuelle eksamineringa startar. Ved slike høve kan den individuelle eksamineringa vare i 20 til 30 minutt.

Geofag 1 og 2

Du skal ha med deg ei prosjektoppgåve innan hovudområdet i læreplanen som heiter geoforskning. Geoforskning er ein obligatorisk del av eksamen og prosjektoppgåva vil bli brukt som utgangspunkt for ein del av samtalen under eksamen.

Informasjonsteknologi og Teknologi og forskingslære

Ein [førebuingsdel](#) til eksamen blir lagt ut på eksamenskontoret sine nettsider inntil 48 timar før eksamensdagen.

Kroppsøving

Du må møte opp til eksamen i treningstøy. Garderobe vil ikkje vere tilgjengeleg.

Oppgåve og førebuing:

- Du trekkjer ei oppgåve som er relevant i høve til kompetansemåla i læreplanen i faget.
- I førebuingstida på inntil 30 minutt skal du planleggje trening der du viser dei grunnleggjande prinsippa for trening for å ivareta eiga helse og livsstil. Det arbeidet som blir gjort i førebuinga kan takast med på den individuelle utspørjinga som er på inntil 15 minutt.

Eksamen:

- Eksamen startar vanlegvis med ei fellesøkt på omtrent 30 minutt inkludert oppvarming. Fellesøkta skal reknast som del av eksamen. Førebuingstida blir på inntil 30 minutt og individuell utspørjing i eksamen på inntil 15 minutt.
- Dersom eksamen ikkje startar med ei fellesøkt, blir førebuing og eksamen på inntil 45 minutt kvar.
- Du vil bli prøvd i minimum to idrettar og ein dans eller annan rørsleaktivitet samt treningsaktiviteten som er trekt i førebuingsdelen. I samband med individuell idrett kan det i nokre høve bli aktuelt å nytte ein partner dersom det er behov for motstandar.

Andre fag

Munnleg-praktisk og praktisk eksamen i programfag innan idretts- og formgjevingsfag, musikk, dans og drama, kunst, design og arkitektur og medium og kommunikasjon frå studieførebuande utdanningsprogram og frå yrkesfaglege utdanningsprogram kan ha fagspesifikke særpreg og avvike frå dei generelle reglane. Sjå [Retningslinjer for lokalt gitt eksamen ved vidaregåande skolar i Hordaland](#).

Fråvær på eksamen

- Om du blir sjuk på eksamensdagen eller hindra av andre uføresette grunnar som du ikkje sjølv rår over, kan du ha rett på på utsett eksamen i neste eksamensperiode utan ekstra kostnad for deg.
- Du må dokumentere fråværet ditt. Om du var sjuk, må dokumentasjonen vere attest frå lege.
- Lever dokumentasjonen til eksamenskontoret innan tre arbeidsdagar etter eksamen.
- Du kan lese meir om dette i [Forskrift til opplæringslova § 3-35](#).

Brot på reglement

Dersom du bryt reglementet, fuskar eller prøver å fuske, kan eksamenen din bli annullert. Fylkesdirektør for opplæring fattar vedtak om annullering. Dersom du har fått eksamenen din annullert, kan du klage på vedtaket. Det er Fylkesmannen som skal handsame klagen.

Du kan lese meir om dette i [Forskrift til opplæringslova § 3-37](#).